

Atuarfiit paaqqinnittarfiillu covid-19 pillugu iliuusaat

Qeqqata Kommunian coronamik tunillatsissimanermut tunngatillugu atuarfiit paaqqinnittarfiillu qanoq iliornissaat pillugu paasissutissiisut.

Qeqqata Kommunian atuarfiit paaqqinnittarfiillu pisut allanngoraangata arlaleriarlutik tulluarsaasariaqartarnikuupput, coronap tuniluunna naatsorsoruminaatsorujussuummat. Taanna apeqquaterpassuarnik malitseqarpoq, taamaattumillu llinniartitaanermut immikkoortorta apeqqutigineqakkajuttunik katersinikuuvoq. Apeqqutit akissutaalu uani atuarsinnaavatit.

Meeqgeriviit, Meeraaqgeriviit meeqgeriviillu:

Meeqqanut/angajoqqaanut sulisunullu kommunimi paaqqinnittarfinni assigiinngitsuni tuniluunnerujussuarmut eqqarsaatiginnittumik covid-19-imut upalungaarsimanermut pilersaarutit nutartikkanik suliaqartoqarnikuua?

Ilinniartitaanermut immikkoortortap upalungaarsimanermut pilersaarutit malittarisassanut nutaanerpaanut Naalakkersuisunit Nunattalu Nakorsaaneqarfianit nalunaarutigineqartunut tulluarsartarpai: Ilaatigut meeqqat ataasiakkaat pillugit perorsaaneermi kortinik inunnullu attaveqarfissanik meeqqeriveqarnermi allaffeqarfimmu nassiunneqarnikuusunik suliaqartoqarnikuuvoq, tassani attaveqarfissat sinneri pillugit paasissutissaqarluni. Aamma angajoqqaatut sulisutullu iliuusissat allassimapput.

Ullinnaap illersorsinnaasumik ingerlannissaanut meeqqerivinni ataasiakkaani paarsisusaatitaaneq qanoq qulakkeerneqassava?

Ulluni annertuumik tuniluuttoqartillugu meeqqeriviit tamarmik ullormi meeqqat sulisullu tunillatsissimasut qassiunerinik killiffinnik, meeqqat sulisullu akornanni qassit imminni mattusimanerinik meeqqeriviit allaffeqarfiannut ullut tamaasa nalunaarusiortassapput.

Meeqqerivik ataaseq annertuumik tuniluuffiuppat, meeqqeriviit akornanni meeqqat sulisullu nuutsinneqarallarsinnaapput.

Upalungaarsimanermut pilersaarutit/najoqqutassat nutaat meeqqerivinnut ataasiakkaanut taakkunanilu sulisunut kingornalu angajoqqaanut meeqqanullu qanoq anngunneqartarpat?

Upalungaarsimanermut pilersaarummik iluarsisuteqartoqartillugu allaganngorlugu meeqqerivinnut nassiunneqartarpat. Tamatumalu kingorna meeqqerivimmi pisortat isumagisarpaat, angajoqqaanut meeqqanullu paasissutissat pisariaqartut anngunneqarnissaat.



Sulisut tuniluuttoqarneranut illersorniarlugit immikkut maleruagassaliortoqartarpa?

Eqqiluisaarluarnissamik ersiuteqarnerlunilu eqqumaffiginnissamik sulisunut meeqqanullu akuttunngitsumik kaammattuuteqartoqartarpoq. Aammattaaq init akornanni tuniluunnissaat pinngitsoortinniarlugu meeqqat sulisullu agguataarneqarnissaat kaammattuutigineqartarpoq. Nutaatut meeqquerivinnut tamanut sulisunut atugassanik antigentestininik nassiussisoqarnikuuvoq.

Meeqqeriviit ataasiakkaat meeqqat sulisullu akornanni annertuumik tuniluuttoqalertillugu nammineq maleruagassaliorsinnaappat?

Naamik, kommunip upalungaarsimasui malitassanik nalunaaruteqassapput, nunattalu nakorsaaneqarfianit innersuussutit malillugit pissalluni. Taamaaliornikkut meeqqeriviit akunnerminni assigiinnik malitassaqaarnissaat qulakkeerneqassaaq.

Meeqqat Atuarfiat:

Atuartut ilinniartitsisullu akornanni tunillatsittoqartillugu atuarfiit matoqqassappaat?

Atuarfiit nalinginnaasumik ingerlallutillu ammaannassapput. Namminersorlutik Oqartussanit Nakorsaaneqarfimmiillu peqqussutit malitassat aamma Meeqqat atuarfiini atorneqarput. Klassimi tunillatsittoqarsimanera pissutigalugu atuartut angerlartinneqartarunnaarnikuupput.

Atuartut atuartussaaitaanerat naammassiniarlugu atuartullu atuarneranut aporfilersuisoqannginnissaanut, atuartoq ersiuteqanngitsoq peqqissorlu atuariatortussaavoq.

Atuartoq ersiuteqarpat tunillatsissimappalluunniit angajoqqaat qanoq iliussappat?

Atuartoq ersiuteqaruni tunillatsissimaguniluunniit, atuartoq angerlarsimaannassaaq. Tamanna atuarfimmuut nalunaarutigineqassaaq.

Illoqutigiinni tunillatsittoqarsimasoq paasineqarpat angajoqqaat qanoq iliussappat?

Illoqutigiinni ataaseq coronamik tunillatsissimappat, tunillatsissimasumut atuartoq qanigisaavoq, atuartoq pingajussaa akiuussutissamik kapitissimangikkuni imaluunniit sapaatit akunneri aqqaneq-marluk kingulliit iluanni tunillatsissimangikkuni atuariatussanngilaq.

Atuartoq tunillatsissimasumut qanigisaaguni aammalu pingajussaa akiuussutissamik kapitinnikuulluni imaluunnit sapaatit akunnerisa aqqaneq-marluk kingulliit iluanni COVID-19-imik tunillaneqarsimaguni, atuartoq imminut mattunnissaa pisariaqanngilaq. Atuartut atuariatorsinnaapput.

Qanigisaaneq pissutigalugu atuartoq angerlarsimaannassappat, angajoqqaat atuarfimmuut nalunaaruteqassapput. Atuartoq ersiuteqanngippat sapaatip akunneranut pilersaarummi allaaserineqartut malillugit atuartoq ilinniagassalerissaaq.

Klassimi tunillatsittoqarsimasoq paasineqarpat:

Ilinniartitsisoq atuartorluunniit coronamik eqqugaasimappat, atuartut sinneri allamut qanitaapput. Atuartoq ersiuteqanngippat, atuartoq atuariatussaaq.

Meeqqat ersiuteqanngikkaluartut angajoqqaani angerlarsimatiinnartinneqarpatta aammalu qanigisaanngippata, atuartup atuannginnera akuerineqarani atuanngitsutut nalunaarsorneqassaaq.

Ilinniartitsisut atuartullu coronamut illersorniarlugit malitassanik sunik aallartitsisoqarpa?

Nalinginnaasumik qaffasissumik eqqiluisaarnissamut kaammattuisoqarpoq kiisalu meeqqani sulisunilu ersiuteqartoqarnerisooq ukkatarineqarluni. Taakku saniatigut atuarfiit malitassaliornikuupput, tassani klassit akornanni tuniluussinaaneq pinaveersaarniarlugu klassit alloriarfiillu pisariaqanngitsumik ataatsimoortinneqassanatik. Atuarfinni tamani assannut spritsinik ikkussuisoqarnikuuvoq.

Coronamik tunillatsinnissaaq pinngitsoorniarlugu angajoqqaat meeqqanik angerlarsimatiinnarpatigit, taanna akuerisaalluni akuerineqaraniluunniit nalunaarsorneqassava?

Meeqqat qanigisaasut coronamilluunniit tunillatsissimaneq pissutigalugu angerlarsimaannartut, akuerineqarluni atuanngitsutut nalunaarsorneqassapput. Meeqqat tunillatsinnissaannut angajoqqaat ernummateqarnerat pissutigalugu angerlarsimatiinnarneqartut, oqartussanit innersuussutaanngimmat, akuerineqarani atuanngitsutut nalunaarsorneqassapput.

Coronamik pisoq atuartuni angajullerni klassini soraarummeertussani sunik kinguneqassasoq ingerlatsivik naatsorsuuteqarpa?

Maannakkuugallartoq soqanngilaq. Atuarfiit klassini soraarummeertussani ukkataqarput aammalu periarfissaqartillugu qarasaasiaq atorlugu atuartitsilertarlutik, taamaalilluni atuartut

angerlarsimasut malinnaasinnaallutik. Atuartut ilinniagassanik angerlaassisinnaanerit imaluunniit intra, showbie, ainea imaluunniit clio atorlugit ilinniagasserinissaat periarfissaassaaq.

Ilinniartitsisut mattuteqqasut angerlarsimaannartullunniit atuartunik atuartitsisinnaappaat?

Aappi, ilinniartitsisut ersiuteqaratik napparsimangitsut aqutsisuminnit Zoom imaluunniit Teams atorlugit angerlarsimaffimminnit atuartitseqquneqarsinnaapput aammalu qarasaasiakktut sullississutit intra, showbie, clio assigisaallu atorlugit ilinniagassanik tunniussisinnaallutik. Ilinniartitsisut suliarinikuusaannik sapaatip akunneranut pilersaarutinik atuartut suliaqarnissaat atuarfiup isumagissavaa.

Atuartut mattusimasut angerlarsimaannartullunniit angerlarsimaffimminiillutik atuartinneqarsinnaappaat?

Atuartut ersiuteqanngitsut inoqutigiinni coronamik tunillatsissimasumut qanigisaasut angerlarsimasullu, atuarfiup periarfissanik assigiinngitsunik tunisarpai: assersuutigalugu Clio, intra, Ainea assigisaallu atorlugu atuartumut qarasaasiaq atorlugu tunniussinikkut, tamanna periarfissaangippat, atuartut suliaassaat angerlarsimaffimmut tunniunneqassapput.

Atuarfiit matuppata susoqassava?

Atuarfiit matunneqassagaluarpata online atorlugu atuartitsineq aallartinneqassaaq, misilittakkallu tunngavigalugit ingerlateqqinneqassalluni. Atuarfinni ipad atorlugu atuartitsinermut ikiortinik ilinniartitsisunik atorfilittaqarpugut, taakkulu atuarfinni ilinniartitsisunut onlinekkut atuartitsinermut tapersersuinissaminnut piareeqqapput.

Ikiortit akuttunngitsumik ukiup atuarfiusup ingerlanerani Ipad atorlugu atuartitsinermik atuartitsisoqatitik siunnersortarpaat, aamma Kivitsisa aqutigalugu ukiumut arlaleriarluni online-ikkut ilinniartitsisut pisariaqartitsisut pikkorissarneqartarput.